

經

義

述

聞

經義述聞第十四

高郵王引之

禮記上六十八條

擗節 八十九曰耄 若不得謝 三賜不及車馬

由闌右 書致 生與來日必與往日 載青旌

載飛鴻 朱鳥 效駕 謹脩其法 太士 使者自

稱曰某 有宰食力 臚肥 不饒富 亾則弗之忘

矣 忌日不樂 不誠於伯高 哲人其萎 亾於禮

二夫人相爲服 瓦不成味 從若斧者焉 祛褐

之可也 故以其旗識之 先王之所難言也 反服

之禮 如不及其反而息 無苛政 美哉奧焉 陽

門 并植 遐然 管庫 子皋爲之衰 亦弗故生
也 獺祭魚 卿大夫元士之適子 圭璧金璋 祭
先脾 駕倉龍 還反 布德和令 宿離不貨 摺
之于參保介之御閒 三公五推 雨水不時 高禩
奮木鐸 妨農之事 毋出九門 乃合累牛騰馬
遊北于牧 蠶事畢 蝗蟲 養壯佼 百官靜事毋
刑以定晏陰之所成 穀實鮮落 長短 雷始收聲
毋逆大數 爲來歲受朔日 北面誓之 蟄蟲咸
俯在內 固封疆 塋邱壟之大小高卑厚薄之度
蒞挺出

搏節

曲禮是以君子恭敬搏節退讓以明禮鄭注曰搏猶趨也釋文趨七俱反就也向也正義曰搏者趨也節法度也言恆趨於法度段氏若膺校本曰案趨同趣疾也當音促非趨走之趨家大人曰釋文誤解趨字正義并誤解節字段謂趨音促是也

薛瓚注漢書王吉傳曰搏促也義本鄭注

而訓趨

爲疾於義尚有未安今案恭敬搏節退讓六字平列恭與敬義相因搏與節義相因退與讓義相因而搏節與退讓義亦相因搏猶趨也者趨讀局促之促謂自抑損也搏之言損也管子五轉篇曰整齊搏詘以辟刑僂尹

知章注。擗節也。言自節而卑。曲。五輔篇又曰。節飲食。擗衣服。是擗與節義相因也。荀子仲尼篇曰。恭敬而傳。楊倞注。傳。與擗同。卑退也。是擗節與退讓義亦相因也。五輔篇又曰。夫人必知禮。然後恭敬。恭敬然後尊讓。尊亦與擗同。恭敬尊讓。卽曲禮之恭敬擗節退讓也。說見前。謙尊而亢下。

八十九十曰耄

錢氏曉徵荅問曰。問曲禮七十曰老。公羊疏乃云。今曲禮七十曰耄。豈徐彥所見本特異乎。曰。陸德明釋文云。本或作八十曰耄。九十曰耄。徐所見者蓋卽此本。故引

以證何氏六十稱耄之異同。後來轉寫誤八爲七耳。八十曰耄。見於毛詩故訓傳。又見於許氏說文。厥後劉熙釋名。王肅注易。郭璞注爾雅。皆主此義。易大耋之嗟。鄭注謂年踰七十。亦與毛許義不遠。曲禮有曰。耋二字者。當是古本。而陸以爲後人妄加。蓋失之矣。何氏六十稱耄之說。與健爲舍人注爾雅相同。服虔注左傳。又云。七十曰耄。蓋漢人說耄義各不同。要當以八十爲正也。家大人曰。曲禮原文本作八十九十曰耄。釋文曰。本或作八十曰耄。九十曰耄。後人妄加之。此說甚確。錢以有曰耋二字者爲古本。非也。請列五證以明之。射義耆耋好

禮鄭注但云耆耄皆老也。而不云八十曰耄下文旄期

稱道不亂

旄與耄同

鄭注則云八十九十曰旄百年曰期頤

正與今本曲禮同

王肅注家語觀鄉射篇亦云八十九十曰耄

則鄭所見本

本作八十九十曰耄無曰耄二字其證一也大雅板篇

曰匪我言耄隱四年左傳曰老夫耄矣周語曰爾耄耄

矣毛傳及韋杜注竝云八十曰耄義皆本於曲禮若曲

禮古本作八十曰耄九十曰耄則八十尚不得稱耄毛

韋杜諸儒何以皆言八十曰耄其證二也秦風車鄰傳

八十曰耄正義曰此言八十曰耄耄者耄有七十八十無

正文也僖九年左傳注七十曰耄正義曰耄之年齒既

無明文。曲禮云：七十曰老。爾雅以耄爲老，故以爲七十。是曲禮本無八十曰耄之文，故曰無正文。無明文，其證三也。秦風車鄰傳：離九三。王肅注：爾雅釋言注及說文釋名，竝以八十爲耄。離九三，馬融注：僖九年左傳服虔杜預注，竝以七十爲耄。爾雅釋言舍人注：宣十二年公羊注，竝以六十爲耄。鄭注：離九三，則云：大耄，謂年踰七十。蓋曲禮本無明文，是以諸家說耄義名不同。其證四也。宣十二年公羊傳注曰：六十稱耄，七十稱老。疏曰：七十稱老，曲禮文也。案今曲禮云：七十曰耄，與此異也。上以公羊疏蓋徐彥所見曲禮本作七十曰耄，與今本作七十

曰老者不同。故云與此異。此字指七十曰老而言。若徐所見本作八十曰耄。則是八十九十日耄之異文。不得言與此異。錢謂疏文本作八十曰耄。轉寫者誤八爲七。非也。後漢書明帝紀有司其存耄。李賢注曰。禮記曰。六十曰耄。七十曰耄。此所引七十曰耄之文。正與公羊疏同。豈亦轉寫者誤八爲七乎。射義者耄好禮正義亦云。六十之耄。七十之耄。是徐彥所見本自作七十曰耄。非八十曰耄。其證五也。

若不得謝

大夫七十而致事。若不得謝則必賜之几杖。鄭注曰。謝

猶聽也。君必有命勞苦辭謝之。其有德尚壯。則不聽耳。
家大人曰。鄭解謝爲聽。於義未安。齊策曰。靖郭君謝病。
強辭三日而聽。則謝非聽也。今案謝。請也。告也。成十六
年左傳。使子叔聲伯請季孫于晉。晉語作子叔聲伯如
晉。謝季文子。說見後是謝卽請也。襄三年左傳。祁奚
請老。是也。請之而見許。則得所請而去。故曰得謝。得謝卽得
請。信十年左傳曰。請老。卽告老。故謝又訓爲告。襄二十
六年左傳。使夏謝不敏。卽告不敏也。成二年左傳漢書
高帝紀。高祖嘗告歸之田。顏師古曰。告者。請謁之言。謂
論休耳。或謂之謝。謝亦告也。左氏傳曰。韓獻子告老。禮

記曰若不得謝漢書諸云謝病皆同義張耳陳餘傳有
廡養卒謝其舍晉灼曰以辭相告曰謝

三賜不及車馬

夫爲人子者三賜不及車馬鄭注曰三賜三命也凡仕
者一命而受爵再命而受衣服三命而受車馬車馬而
身所以尊者備矣卿大夫士之子不受不敢以成尊比
踰於父天子諸侯之子不受自卑遠於君引之謹案經
言三賜不言三命鄭謂三命不受車馬之賜非也長者
賜少者賤者不敢辭況君賜乎今案賜猶予也謂爲人
子者不敢以車馬予人也爾雅曰予賜也是賜與予同

義言三賜者多子之辭。約言之爲三耳。猶論語言三仕三已三以天下讓也。賜子雖多不及車馬不敢自尊也。坊記曰父母在饋獻不及車馬。不民不敢專也。是其明證矣。逸周書太子晉篇師曠請歸王子賜之乘車四馬。孔晁注曰禮爲人子三賜不及車馬。此賜則白至然後行可知也。此解三賜不及車馬是謂人子不敢以車馬予人。蓋禮記舊注有如此解者。故晁本之爲說。

由闕右

大夫士出入君門由闕右。鄭注曰臣統於君。闕門楹正。義曰門以向堂爲正。右在東。引之謹案。玉藻閤門則闕。

門左扉立于其中。左扉者。在東之扉也。吳語。乃闔左闔。填之以土。韋注曰。閉陽開陰。示幽也。左闔在東。故韋注曰。閉陽也。東扉曰左扉。又曰。左闔。則門雖向堂。仍以東爲左矣。況路門之內。始有堂。雉門庫門之內。皆無堂。安所得堂而向之。以爲正乎。夏官司士。王族故士虎士在路門之左。大僕大右。大僕從者在路門之右。內則。子生。男子設弧於門左。女子設帨於門右。亦以東爲左。西爲右。何獨至門中之闔。而以東爲右。西爲左乎。下文主人入門而右。客入門而左。謂人之左右。非謂門之左右也。人之左右無定。出則以東爲左。西爲右。入則以東爲右。

西爲左門之左右。則東爲左西爲右。一定不易者也。闌之左右。當與門同。不得以爲右在東也。由闌右。當爲由闌左。字相似而誤耳。孔氏所見本已譌作右。故不得已而曲爲之說。鄭不解闌東稱右之義。則本作闌左可知。左之在東人所共知。不煩解釋也。

書致

獻田宅者操書致。正義曰。書致謂圖書於板。丈尺委曲書之而致之於尊者也。已上諸物可動。故不言致。而田宅著土。故板圖書畫以致之。故言書。又言致也。引之謹案。上文操右袂。操量鼓。操醬齊。皆指其所操之物言之。

此言獻田宅者操書致。則書致亦所操之物。若謂以圖書致其田宅。則致下必加之字。而其義始明。且以上諸物皆可言致。不獨田宅也。今案致讀爲質。劑之質。周官小宰聽賣買以質劑。鄭注曰。質劑。謂兩書一札。同而別之。長曰質。短曰劑。今之券書也。文六年左傳。由質要杜注曰。質要券契也。此謂獻田宅者。操書契以呈於尊者之前。若上文獻粟者。執右契也。淮南要略約重致。剖信符。重致卽重質也。是質與致古字通。質致古同聲。故字亦相通。襄三十年左傳用兩珪質于河。釋文質如字。又音致。昭十年六年與蠻子之無質也。釋文質之實反。或音致。質通作致。故又通作至。史記蘇秦傳趙得講於魏。至公子延。索

隱曰至當爲質謂以公子延爲質也質致至三字古並

同聲

說見唐韻正

生與來曰歺與往日

生與來曰歺與往日鄭注曰與猶數也生數來曰謂成

服杖以歺明日數也歺數往日謂殯殮以歺日數也家

大人曰古無謂數爲與者與猶以也

以與一聲之轉故以可訓與與亦可

訓以說見釋詞與字下

三日成服杖生者之事也此三日以歺之

明日爲始是生以來日也三日而殯歺者之事也此三

日以歺之日爲始是歺以往日也

載青旌

畫也。

見初學記武部太平御覽兵部七十一。

是鄭注舉於旌首謂舉皮置

於旌首蓋以下文言載虎皮故竝青與鳶鴻皆謂置皮也其實青旌乃畫青雀於旌鴻與鳴鳶亦然。

正義皆以爲畫考

工記所謂畫績之事鳥獸蛇也。唯虎與貔貅則以其皮飾旌故青與鳶鴻皆不言皮至虎始言皮也。貔貅不言反者蒙上虎皮而省也。經文界畫甚明不得因虎皮之文遂謂青與鳶鴻亦是皮也。正義釋載鳴鳶云畫作開

口如鳴時。此說是也。若但置其皮。何鳴之有。實不當如鄭志所釋。載如左傳載其旌以先之載。不當讀爲載。載之言植也。立也。載青旌者。植此畫青雀之旌於車上。非謂置皮於旌首也。若置皮於旌首。則當言載青於旌。不當言載青旌矣。下文鴻與鳴鳶之載義與此同。載鳴鳶者。植鳴鳶之旌也。不言旌者。亦蒙上青旌而省。後放此。虎皮貔貅之載。則以獸皮所飾之旌植於車上耳。二者雖不同。而同爲植旌於車上。故皆謂之載。周官司常曰。王建大常。大司馬曰。王載大常。建也。載也。皆立也。以是明之。

青水鳥也。一名青雀。一名青鳥。字或作蜻。呂氏春秋精

諭篇海上之人有好蜻者。每朝居海上從蜻游。蜻之至者數百。列子黃帝篇載此事。蜻作漚漚。與鷗同。亦水鳥也。文選江淹雜體詩青鳥海上遊。李善注引阮籍詠懷詩曰。誰云不可知。青鳥明我心。又引呂氏春秋海上人有好青者云云。然則呂氏春秋之蜻卽青鳥也。作蜻者俗字耳。高注呂氏春秋蓋亦以蜻爲鳥名。故李善引海上人好蜻云云以釋青鳥。而今本高注乃云。蜻。蜻蜓小蟲。細腰四翅。此殆後人誤以蜻爲蜻蜓而輒改注文也。蜻蜓隨處皆有。何必海上邪。太平御覽蟲豸部蜻蛉下引呂氏春秋海上人有好蜻者云云。則所見高注已同今本。

載飛鴻

前有塵埃則載鳴鳶。前有車騎則載飛鴻。引之謹案。飛字涉注文而衍。注云鴻取飛有行列也。此釋載鴻之義。非經文有飛字也。下載虎皮注云虎取其有威勇也。亦是釋載虎皮之義。經文豈有威勇字邪。正義釋載鳴鳶云不直言鳶而云鳴者。鳶不鳴則風不生。故畫作開口如鳴時。此專釋鳴字之義也。若鴻上有飛字。則正義亦必專釋之。而正義云前有車騎則載鴻者。今本鴻上有飛字。乃後人依已誤之經文增之。鴻鴻鴈也。鴈飛有行列。與車騎相與下文不符。今刪。似若軍前遙見有車騎。則畫鴻於旌首而載之。使眾見。

而爲防也。但言畫鴻而不言畫飛鴻。則所見本無飛字。可知。左傳宣十二字正義引此有飛字。與本疏不合。明是後人依俗本禮記增之。藝文類聚鳥部上。通典禮三十六白帖五十八引此有飛字。亦後人所增。案郭璞注爾雅鎔革鳥曰旃。云此謂全剝鳥皮毛。置之竿首。卽禮記云載鴻及鳴鳶。是古本無飛字也。鈔本北堂書鈔武功部八引作則戴鴻。戴與載同。陳禹謨本增飛字。車部上引作則載鴻。陳禹謨刪去。足證隋唐閒舊本尚不誤。唐石經始行飛字。

朱鳥

前朱鳥而後元武。家大人曰。朱鳥本作朱雀。此後人以

他書改之也。自開成石經已然。而各本皆從之。開成以前書引此有作朱鳥者。亦是後人所改。案正義述經文正作朱雀。又朱雀字正義凡三見。雀字一見。又引崔靈恩說亦作雀。又堯典日中星鳥。正義引曲禮前朱雀後元武而釋之云。雀卽鳥也。則曲禮自作朱雀明矣。後漢書張衡傳注。北堂書鈔帝王部三十三。武功部五。太平御覽兵部三十七。引此竝作朱雀。衛湜禮記集說作朱雀。則宋時本尚有不誤者。

效駕

已駕。僕展輪效駕。奮衣由右上。取貳綬跪乘。執策分轡。

驅之。五步而立。鄭注效駕曰。白已駕。正義曰。效。白也。僕
監視駕竟而入。白君道駕畢。故鄭云。白已駕也。引之謹
案。入而白已駕。又出而為取綏跪乘諸事。則經當云。入
效駕。出。奮衣由右上。取貳綏跪乘。執策分轡驅之。五步
而立。節次乃明。今不言入。又不言出。則無入白之事矣。
唐以前傳注亦無訓效為白者。惟楊倞注荀子儒效篇訓效為白。即本於鄭注。
孔疏也。今案效者考也。見廣雅。驗也。廣雅。効驗也。効與效通。考驗其駕
具已完善否。然後登車調試之。僕入之候也。古人多謂
考為效。詳見書王其效邦君。越御事下。

謹脩其法 反本脩古 脩乎軍旅

家大人曰。曲禮曰。祭祀之禮。居喪之服。哭泣之位。皆如

其國之故。謹脩其法而審行之。脩當爲循字之誤也。書

循脩二字相似。故書傳中循字多譌作脩。漢北海相景

君碑陰。故循行都昌台邱遶。金石錄曰。案後漢書百官

志注。河南尹官屬有循行一百三十人。而晉書職官志

州縣吏皆有循行。今此碑陰載故吏都昌台邱遶而下

十九人。皆作循行。他漢及晉碑數有之。亦與此碑陰所

書同。豈循脩字畫相近。遂致訛謬。郭隸續作循循二字。

隸法只爭一畫。書碑者謹循其法。射義曰。卿大夫以循

好奇。所以從省俗用。法爲節。趙策曰。承成

而勅。循正承如其國之故而言。謂君子謹遵故法。非謂

法無私。於故法有所損益。亦非謂故法已廢而君子脩之也。禮

器曰。禮也者。反本脩古。不忘其初者也。正義曰。脩。定本

及諸本作循。字當作脩。案定本及諸本是也。鈔本北堂

書

主

書鈔禮儀部一引此亦作循古

陳禹謨改循爲脩

循古者遵循

古道而不失正所謂不忘其初也下文元酒之尚鬱刀

之貴橐鞬之設皆是循古非脩古也莊子徐無鬼篇曰

反已而不窮循古而不摩商子更法篇曰湯武之王也

不循古而興

史記商君傳同案隱引商子作脩非

淮南汜論篇曰不知法

制之原雖循古終亂書傳多言循古則作循者是也祭

義曰孝弟發諸朝廷行乎道路至乎州巷放乎狻狩脩

乎軍旅脩亦當爲循放亦至也循亦行也

說文循上文順行也

曰孝以事親順以聽命綰諸天下無所不行是也家語

正論篇正作循于軍旅

大士

天子建天官。先六大曰大宰。大宗。大史。大祝。大士。大卜。鄭注曰。大士以神仕者。引之謹案。春官序官。凡以神士者。無數。與大宰以下官各一人者。多寡不倫。且其職甚微。不足以當大士之稱。今案晏子春秋諫篇。吾爲夫婦獄訟之不正乎。則泰士子牛存矣。爲社稷宗廟之不正乎。則泰祝子游存矣。泰祝卽大士大祝也。大士正獄訟。蓋若秋官士師察獄訟之辭矣。又說苑臣術篇。齊成侯卿曰。忌舉北郭刀勃子爲大士。而九族益親。民益富。是大士亦掌親九族富萬民也。

使者自稱曰某

列國之大夫入天子之國曰某士。自稱曰陪臣某。於外
日子於其國曰寡君之老。使者自稱曰某。使者自稱釋
文作使自稱。注曰。本或作使者自稱。家大人曰。釋文作
使自稱是也。本或作使者自稱者。上文曰。使者自稱曰
寡君之老。涉彼而誤耳。今本及唐石經皆作使者自稱。
卽沿或本之誤也。案使字爲一句。自稱曰某爲一句。謂
列國之大夫使於諸侯則自稱其名也。鄭注曰。使謂使
人於諸侯也。人字疑衍。則經文使下本無者字明矣。又案正
義釋經曰。使者自稱曰某者。若此卿爲使在他國與彼

君語則稱名也。又釋注曰：王藻云：大夫私事使，私人擯則稱名。彼以私事使稱名，此文使自稱曰某，稱名與彼相當，故知使謂使人於諸侯也。據此，則孔所見本亦作使自稱曰某，而前刻經文仍作使者自稱曰某，則後人據已誤之經文加之也。通典職官十八亦作使自稱曰某。

有宰食力

問大夫之富曰：有宰食力。鄭注曰：宰，邑士也。食力，謂民之賦稅。家大人曰：邑宰謂之宰，家宰亦謂之宰，但云有宰，無以見其爲邑士，且大夫之富，富於所食之邑，非富

於治邑之宰也。宰當讀爲采。謂有采地也。禮運曰。大夫有采以處其子孫。何休注。襄十五年公羊傳曰。所謂采者。不得有其土地。人民。采取其租稅爾。采地之租稅。民力所共。而有采者。食之。故曰有采。食力。與上文之數地。以對義相近也。正義曰。宰。邑宰也。有宰。明有采地。不知宰。卽采之假借也。古字采與宰通。爾雅尸。采也。卽主宰之宰。采官也。卽官宰之宰。說見爾雅采亦采也。

膾肥

豚曰膾肥。鄭注曰。膾亦肥也。春秋傳作膾。桓六年左傳吾牲牲肥膾膾充貌也。釋文釋經云。膾肥徒忽反。注同本。或作豚。又

釋注云作臠。徒忽反。臧氏玉林經義雜記曰。鄭既云春秋傳作臠。明禮記不作臠矣。據釋文所引之本。知本作豚曰豚肥。注本作豚亦肥也。卽以此豚肥卽春秋傳之肥臠。可驗此本之不作臠也。正義曰。豚曰臠。肥者云云。釋文亦從臠爲正字。唐時經注俱已誤作臠矣。家大人曰。古無讀豚爲臠者。亦無訓豚爲肥者。臧說非也。此豚字本作豚。卽臠字也。正文本作豚曰豚肥。注文本作豚亦肥也。春秋傳作臠。釋文本作豚肥。徒忽反。注同。本或作臠。此釋正文注文之豚字也。下又云作臠。徒忽反。此釋注文之春秋傳作臠也。集韻。臠。肥也。或作豚。卽本於

釋文而不云脬或作豚。則釋文之作豚不作豚可知。

手鏡亦以脬。方言。脬。臙也。臙與盛同。舊本臙臙二字倒。為脬之或作。方音。臙。臙也。轉黃雅。臙盛也。即本方言。今

據郭璞曰。臙臙。肥充也。亦作豚。音突。舊本作音臙亦突。臙臙不成文理。今

正。此皆臙豚同字之明證也。盾聲與象聲相近。故字亦

相通。漢書匈奴傳贊。遂逃竄伏師。古曰。遂。古遁字。是其

例也。若正義本。則正文注文皆作臙。此即釋文。或作之本。而春秋

傳作臙之語。遂不可通。後人不知。而改陸以就孔。遂改

釋文之臙肥為臙肥。本或作臙為本。或作臙案釋文云

臙肥。徒忽反。注同。本或作臙。臙字有音。而臙字無音。故

下文又云。作臙。徒忽反。若如後人所改。則臙字先已有

音下文何須再出一音而兩見則妄改之迹顯然矣。豚

豚字形相近世人多見豚少見豚故豚又譌而爲豚。王

國豚行不舉足。釋文作國豚云。豚本又作豚。既與豚音不合又與豚曰之豚

相亂臧氏不知豚爲豚之譌故強爲之說而終不可通

不饒富 后稷之祀易富也

大輿不問上。不饒富鄭注曰富之言備也。備而已。勿多

於禮也。引之謹案如鄭說則是富而不饒也。但經言不

饒富不言富不饒不得如鄭所說也。饒當讀爲僥。二饒

皆從堯聲。故富當讀爲福。富福二字皆從畱聲。古字多

僥饒爲僥。富當讀爲福。富福二字皆從畱聲。古字多僥之言要也。求也。莊子在宥篇此以人之國僥倖也

釋文僥古堯反徐古了反享或作微李善注陳情表引
禮記小人行險以僥倖云僥與微同今中庸作微幸呂
氏春秋順民篇高注曰微求也僥福者微福也僥四年
左傳君惠微福於敝邑之社稷文十二年傳寡君願微
福于周公魯公以事君杜注曰微要也釋文要是不
僥福者謂祝辭但求神饗不求降之以福也春官大祝
掌六祝之辭以事鬼神示祈福祥求永貞則祝辭固有
求福之事大饗五帝則其神至尊不敢以私意干請故
不求福也呂氏春秋誠廉篇晉者神農氏之有天下也
時祀盡敬而不祈福也則四時之祀猶不祈福況大饗

乎。古人字多假借。循聲而改之。則得。如字以求之。則塞矣。又表記。后稷之祀。易富也。其辭恭。其欲儉。其祿及子孫。詩曰。后稷兆祀。庶無罪悔。以迄于今。朱氏若菴曰。富福也。人之求福甚奢。神亦難厭其欲。若后稷之祀。神之福之易易也。辭謂祝嘏之辭。如周禮大祝掌六祝之辭。曰祈福祥。求永貞之類。后稷之辭。則不重此。但致其恭敬而已。蓋其欲儉。不願望大福。福之易者。以此。然雖不求福。而其福自及子孫。故引詩以證之。案朱說是也。古字福與富通。祿亦福也。爾雅曰。祿福也。上云后稷之祀。易福也。下云其祿及子孫。文義正相應也。鄭注以迄于

今日福祿傳世。乃至於今。已得此經之旨。而又曰富之言備也。以傳世之祿。其儉者之祭。易備也。則失之矣。又案其辭恭。其欲儉。蓋指庶無罪悔言之。謂其語不敢自矜夸。其意不敢有奢望。但曰庶無罪悔而已。則恭儉之謂矣。此據詩以發論。非引詩以爲證也。不然。則后稷之祀之恭儉。何從而知之乎。

亾則弗之忘矣

植弓喪三年以爲極。亾則弗之忘矣。釋文出極亾二字。云王以極字絕句。亾作忘。向下讀。孫依鄭作亾。而如王分句。劉氏端臨曰。當從王肅。忘則弗之忘矣。猶曰以云。

忘則未嘗忘也。引之謹案。喪三年以爲極。所謂先王制禮而不敢過也。若謂其服除而忘哀。則終身弗忘。故曰忘則弗之忘矣。上言忘。下言弗之忘。一句之中。自相呼應。犬戴禮。曾子立事篇。備則未爲備也。文義與此相似。鄭本上忘字作𠂔。𠂔卽忘也。上𠂔是俗字。下忘是本字。猶曲禮祭食。祭所先進殺之序。徧祭之。三飯。主人延客食。載然後辨殺。上徧是本字。下辨是俗字。辨卽徧也。越語。夙生因天地之刑。韋注訓刑爲法。非辨見國語。天地形之。聖人因而成之。上刑是俗字。下形是本字。刑卽形也。孟子公孫丑篇有仕於此而子悅之。論衡刺孟篇引此仕作士。不告於王而私

與之吾子之祿。魯夫士也。亦無王命而私受之於子。上

仕是偕字。下士是本字。仕卽士也。鄭解喪三年以爲極

日。去已久遠而除其喪。

去已久遠釋三年二字。除其喪釋以爲極三字極終也。喪服至

此而終也。

而於亾字不加注釋。則亾字不屬上句而屬下句

可知。孫炎之學出於康成。而分亾字下屬。亦可知。鄭君

之本以亾則連讀也。孔氏正義曰。喪三年以爲極。言服

親之喪以經三年。

以與已同。

以爲極。可以棄忘。而孝子有終

身之痛。曾不暫忘於心也。可以棄忘。正釋亾字。下遂云

而孝子有終身之痛。曾不暫忘於心也。然則亾則弗之

忘矣。作一句讀而訓亾爲忘。鄭意本自如是。故正義述

之也。自釋文誤以極亡連讀。而學者遂移亡字於上句之末。又於正義三年以爲極下增亡字。於是句讀亂而文不成義矣。元陳澧知亡之當屬下句。而不知亡爲忘之假借。乃云既葬日亡。雖已葬而不忘其親。案亡則弗之忘矣。上承卷三年以爲極之文。乃謂三年以後服雖除而哀未忘。故每逢忌日則不樂也。若三月而葬。去服除之時尚遠。此正人子悲哀之日。何須言弗忘乎。陳說非。

忌日不樂

故君子有終身之憂而無一朝之慮。故忌日不樂。鄭注

曰言忌日不用舉吉事正義曰唯忌日不爲樂事他日則可釋文不樂如字又音洛引之謹案如字讀是也忌日之哀必有實事以敬之不作樂者哀之敬也唯居喪不聽樂忌日如之故祭義謂之終身之密古者謂作樂爲樂下文是月禋徙月樂注曰明月可以用樂是也下文又曰孟獻子禫縣而不樂又曰子弔不樂注曰不以舉樂爲吉事曲禮歲凶士飲酒不樂注曰不樂去琴瑟又曰齊者不樂不弔祭統及其將齊也防其邪物訖其耆欲目不聽樂故記曰齊者不樂皆謂不作樂爲不樂是其證也下文又曰弔於人是日不樂如注曰哀樂音洛

不同日。子於是日哭則不歌。哀謂行弔。樂謂作樂也。歌詩與作樂相等。故引不歌以比不樂。彼釋文雖兼存洛音而以岳音爲正。正與此同。蓋注家之盧植王肅音義家之徐邈沈重諸人。必有訓爲作樂者。故陸氏承用之也。鄭注不用舉吉事。正指不作樂言之。不舉吉事則不作樂。下文子所不樂。注所謂不以舉樂爲吉事也。自正義以不樂爲不爲樂事。而宋以後說此者皆以洛爲正音而解爲喜樂。於是不樂之爲不作樂。遂莫有知其義者矣。

不誠於伯高

伯高之喪。孔氏之使者未至。子子攝束帛乘馬而將之。孔子曰。異哉。徒使我不誠於伯高。家大人曰。不誠於伯高。本作不誠禮於伯高。案鄭注云。禮所以副忠信也。忠信而無。句禮何傳乎。釋文傳一本作傳。音附。案傳字是。正義云。此一節論禮所以副忠信之事。又云。孔子聞并有代之行禮。故怪恨之云。空使我不得誠信行禮於伯高。又釋鄭注云。忠信由心。禮在外貌。若內無忠信。禮何所施。故云忠信而無。舊本無下有禮字。乃後人不知句讀而妄加之。今據上下文義刪。謂無忠信也。既無忠信。禮何傳乎。言不可傳行也。并有代孔子行弔。非孔子本意。是非孔子忠信虛有弔禮。若孔子遣人更弔。

卽彌爲不可。故云。空使我不得誠信行禮於伯高。合注
疏以考經文。則誠下原。有禮字明矣。自唐后。經始脫禮
字。而各本皆沿其誤。聘禮記疏引此。無禮字。亦後人依
俗本禮記刪之。白帖六十五引作不誠禮於伯高。太平
御覽布帛部五引作不得誠其禮於伯高。家語曲禮子
貢問篇作不成禮於伯高。此改誠皆有禮字。

又曰。鄭以誠爲忠信。不忠信。禮於伯高。頗爲不詞。故正
義必加字以明之曰。不得誠信行禮於伯高也。余謂誠

與成同。中篇云。誠者自成也。又云。誠者非自成已而已也。所以成物也。是誠成同義。而可以互通經解。
衡誠縣注。誠或作成。小雅我行其野。篇成不以富。論語
顏淵篇成作誠。逸周書官人篇。非成質者也。大戴記文

王官人篇成作誠子游致篇并有代孔子行弔非孔

素成大戴記係傳篇成作誠

子之意若孔子遣人更弔則彌為不可是使孔子不得成禮於伯高也故家語改誠為成

哲人其萎

泰山其隤則吾將安仰梁木其壞哲人其萎則吾將安

放引之謹案哲人其萎四字乃後人據家語增入非禮

記原文也上文泰山其隤乎梁木其壞乎哲人其萎乎

鄭注曰泰山眾山所仰梁木眾木所放正義曰放依也哲人亦

眾人所仰放也以上二句喻之鄭注是哲人其萎兼有

無所仰之義非但無所放也若如今本以哲人其萎專

屬之吾將安放則鄭必不如此注矣蓋鄭本作泰山其
殯則吾將安仰梁木其壞則吾將安放而無哲人其萎
四字。泰山其殯則吾將安仰。正謂哲人其萎則吾將安
仰也。梁木其壞則吾將安放。正謂哲人其萎則吾將安
放也。文見於此意通於彼不必更言哲人其萎矣。且下
文夫子殆將病卽是哲人其萎也。王肅作家語乃妄改
其文曰梁木其壞則吾將安杖喆人其萎則吾將安旂
見終
記篇後人據此遂增哲人其萎四字於則吾將安放之
上而文義參差甚矣。哲人爲人所仰放何得但言放邪。
孔仲達不能釐正而云子貢意在恩遠不暇句句別言

故直引梁木哲人抱云吾將安放此曲說也。因學紀聞曰或謂廬陵劉美中家古木禮記梁木其壞之下有則吾將安仗五字蓋與家語同齊氏息園曰家古本以無此五字故孔疏云子貢意在息遠不暇別言劉氏所藏古本必好事者爲之引之案齊說是也則吾將安仗五字亦據家語增入而增入哲人其萎四字者已爲之先導矣。

亾於禮 亾其地

將軍文子之喪既除喪而後越人來弔主人洗衣練冠待于廟。至涕洟子游觀之曰將軍文氏之子其庶幾乎亾於禮者之禮也。其動也中正。義曰。亾無也。其始外至練祥來弔是有文之禮。祥後來弔是無文之禮。言文氏之子庶幾堪行乎無於禮文之禮也。引之謹案亾讀存。

亾之亾。亾與在義正相反。亾者不在也。亾於禮者之禮
謂禮之變者不在於常禮之中也。荀子大略篇禮以順
人心爲本。故亾於禮經而順人心者皆禮也。亾於禮經
謂不在於禮經。卽此所云亾於禮也。順人心卽此所云
其動也中矣。唐風葛生篇子美亾此謂子美不在此也。
襄二十九年公羊傳季子使而亾焉謂季子出使而不
在吳也。說苑至公篇作季子時使行不在荀子正論篇然則闕與不闕
邪。亾於辱之與不辱也。乃在於惡之與不惡也。亾與在
正相反。謂不在於辱與不辱也。正名篇故治亂在於心
之所可。亾於情之所欲。堯問篇吾所以得三士者。亾於

十人與三十人中。乃在百人與千人之中。淮南原道篇
聖亾乎治人而在於得道。樂亾於富貴而在於得和。是
亾與不在同義。正義以爲無文之禮。而連其庶幾乎爲
一句。失之矣。祭法曰。山林川谷邱陵。能出雲爲風雨。見
怪物。皆曰神。有天下者。祭百神。諸侯在其地則祭之。亾
其地則不祭。亦謂山林川谷邱陵。在其境內則祭。不在
其境內則不祭也。僖三十一年公羊傳。山川有不在其
封內者。則不祭。是也。正義曰。亾。無也。謂其境內地無此
山川之等。亦於文義未協。如正義說。則是其地無。非亾其地矣。互見穀梁
傳。亾乎人之辭也下。

二夫人相爲服

從母之夫舅之妻。二夫人相爲服。君子未之言也。鄭注二夫人猶言此二人也。引之謹案。正文注文之二夫人皆當作夫二人。寫者誤倒耳。上文夫夫也。爲習於禮者注曰。夫夫猶言此丈夫也。是夫卽此也。故曰夫二人。猶言此二人。左傳成十六年。夫二人者。魯國社稷之臣也。管子大匡篇。夫二人者。秦君令。夫字皆在二字上。是其證。若作二夫人。則文不成義矣。注文之此二人。若改爲二此人。其可乎。釋文出二夫人三字。則唐初本已誤。夫二人相爲服者。謂從母之夫舅之妻與已兩相爲服也。

喪服小功章。從母。丈夫婦人報。傳曰。何以小功也。以名加也。外親之服皆總也。鄭注曰。丈夫婦人。姊妹之子。男女同疏曰言丈夫婦人者。姊妹之男女。各本姊妹上行母之二字。今刪與從母兩相爲服。總麻章。甥。傳曰。甥者何也。謂吾舅者。吾謂之甥。何以總也。報之也。舅。傳曰。何以總也。從服也。是從母及舅皆有與已兩相爲服之禮。若從母之夫舅之妻與已相爲服。則禮之所無。故君子未之言也。

凡不成味

家大人曰。說文沫酒面也。漢書律志引顧命曰。王乃洮沫水。今本沫作頰。馬融注曰。頰。頰面也。內則曰。面垢燂

潘請醕字竝與沫同。沫從午未之未。音呼內反。與涎沫之沫異。沫從本末之未。音亡曷反。檀弓瓦不成味。鄭注曰。味當作沫。沫。醕也。案沫從午未之未。與味聲相近。故曰味當作沫。沫與醕同。故曰沫醕也。釋文音亡曷反。非。士喪禮下篇注引此文。劉昌宗音妹。亦非。

從若斧者焉

見若斧者矣。從若斧者焉。家大人曰。從上有吾字。而今本脫之。吾從若斧者焉。乃夫子之言。鄭注云。孔子以爲刃上難登。狹又易爲功。此正釋夫子所以從若斧者之故。非以此爲子夏之言也。下句馬鬣封之謂也。方是子

夏之言而正義云子夏旣道從若斧形恐燕人不識故舉俗稱馬轂封以語燕人則孔所見本已脫吾字故以從若斧者爲子夏之言而唐石經以下皆沿其誤案夫子言吾從若斧者焉故子夏曰今日而三斬板而已封尚行夫子之志乎哉若夫子不言所從則子夏何由意揣而知之是從若斧句爲夫子之言而從上當有吾字也本篇云三年之喪吾從其至者又云殷已慤吾從周竝與此吾從文同一例初學記禮部下白帖六十六引此竝作吾從若斧者焉則唐時別本尚有吾字家語公西赤問篇亦有吾字

祛裼之可也

鹿裘衡長祛祛裼之可也。鄭注曰：祛謂袂緣袂口也。練而爲裘，橫廣之，又長之，又爲祛裼。表裘也有祛而裼之，備飾也。玉藻曰：麕裘青犴，紵衣以裼之。鹿裘亦用紵。乎正義曰：祛裼之可也者，裼謂裘上又加衣也。吉時裘上皆有裼衣，喪已後既凶質，雖有裘裘上未有裼衣。至小祥，裘既橫長，又有祛爲吉，轉文故加裼之可也。引之謹案：玉藻曰：不文飾也不裼裼，非居喪之服也。且小祥果裼裘，則全裘皆裼，非獨祛而已。何得但於祛言裼乎？陳祥道禮書曰：鹿裘祛裼之則裼其祛而已。非若餘衣之袒也。吳澄禮記纂言曰：練前裘雖有裼，但裼衣之正。

身而不至袖練後既有橫長袪則褻衣掩至袖口可也
案褻表無但褻袪之理陳說非也既用褻衣則表之正
身與袖皆在所褻安得有先不至若云既爲之袪又加
袖而後掩之之事平吳說亦非也

褻衣於表上則上文衡長袪已言爲袪不須重袪字矣

今案褻當讀爲緹緹緣也袪緹之者謂緣此袪也士衷

禮記練紳緹注曰飾裳在幅曰紳在下曰緹釋文緹他計反對羊

反是緹者飾裳邊也飾裳之邊曰緹飾袖之邊亦得曰

緹袖與裳之邊皆至而向下者也故飾邊之名得以相

同矣褻緹古同聲緹正字也褻偕字也豈表表之謂平

又案袂口爲袪緣之爲緹玉藻曰袪尺二寸緣廣寸半

是緣與袪爲二事不得卽以袪爲緣也注當曰袪袂口

也。裼讀爲絺，謂絲也。則明辨皆矣。

故以其旗識之

銘明旌也。以外者爲不可別已。故以其旗識之。家大人曰：故以其旗識之，本作故以其旗識識之上，識是旗識之識。今作下識是表識之識。今本無上識字。傳寫遺脫。

耳。釋文出識之二字云：式志反。皇周官小祝：置銘杜子如字。則所見本已脫去上識字。

春注引檀弓曰：銘明旌也。以外者爲不可別。故以其旗

識識之。今本亦無上識字。蓋後人據誤本檀弓刪之也。案釋文出識識二字云：並傷志反。一讀下識如

字。則陸氏所見本原有上識字。明矣。盧氏紹弓釋文攷證曰：案注云以外者爲不可別。故以其旗識之。無識識連文。蓋陸氏所見本旗作識。故以識識士喪禮爲銘。鄭連文。盧爲此說。蓋未攷士喪禮注也。

注曰銘明旌也以从者爲不可別故以其旗識識之今

惟此注內識字未經刪去釋文出本據此則杜鄭所見本

皆有上識字明矣古旗幟字通作識說文曰徽識也周

官司常掌九旗之物名各有屬以待國事鄭注曰屬謂

徽識也

徽與微同疏曰徽識謂在朝在軍所用小旌故以屬言之

又下文曰皆畫其

象焉官府各象其事州里各象其名家各象其號鄭注

曰事名號者徽識所以題別眾臣樹之於位朝者各就

焉三者旌旗之細也士喪禮曰爲銘各以其物亡則以

緇長半幅頰末長終幅廣三寸書名於末此蓋其制也

徽識之書則云某某之事某某之名某某之號今大閱

禮象而爲之兵凶事若有外事者亦當以相別也疏曰云三
者旌旗之制也者對上大常已下爲旌旗之大者也云
此蓋其制也者此在朝表朝位其銘旌制亦如此案禮
緯云天子之杠高九仞諸侯七仞大夫五仞士三仞士
喪禮竹杠長三尺則外者以尺易仞天子九尺諸侯七
尺大夫五尺士三尺其旌身亦以尺易仞也若然
在朝及在軍綴之於身亦如此故云此蓋其制也若然
徽識爲旌旗之小者故司常謂之屬外之銘旌卽生之
徽識是銘旌之制亦小於旌旗而檀弓謂之旗識者以
其爲旌旗之屬故兼旗言之耳謂之旗識則可謂之旗
則不可以此知經文必有識字也後人於檀弓脫文不
能校補而轉據誤本檀弓以刪周官之注惟賴有士喪
禮注及兩處釋文足以證明其失耳

先王之所難言也

喪有外之道焉先王之所難言也唐石經初刻所下有以字改刻刪去而各本皆從之家大人曰有以字者是也正義曰言人之喪也有如鳥獸外散之道焉先王之所以難言外散之義今本無以字則文不成義此後人依已脫之經文刪之也若言其外散則人之所惡故難言也故字正釋所以二字鄭注云聖人不明說爲人甚惡之亦是釋所以二字

反服之禮

母爲戎首不亦善乎又何反服之禮之有家大人曰此本作又何反服之有孟子離婁篇云此之謂寇讎寇讎

何服之有文義與此相似反服下不當有之禮二字蓋涉上文舊君反服之禮而衍自唐石經已然世說新語方正篇注通典禮五十九白帖三十八引此皆無之禮二字

如不及其反而息

既葬慨焉如不及其反而息正義讀慨焉如不及爲句而於其反而息不爲解釋方慤曰其反而息言葬反而息于是爲甚心與形俱息也息與詩言我心則休同意吳澄曰既葬謂迎精而反在路之時其謂已葬之親如親已還反至家已尚追逐不及力已疲憊行不能前而

暫焉休息。言其悵惓不安之甚。故曰慨焉。或曰其反而
息。謂親已還反而休息也。引之謹案。吳氏以如不及其
反而息七字連讀。長於舊說矣。但謂暫焉休息則非也。
不及其反。正當速追而及之。何得休息於半途乎。陳澧
猶待也。且行且止。以待其親之反案。書傳
無訓息爲待者。速反而虞。豈得且行且止。當以或說爲
是。蓋當迎精而反之時。孝子之心。有如親已反而息於
寢已欲從之而不及者。然是以慨然也。歾者已不能反
而息矣。而孝子猶若其親能反而息者。所謂其反也。如
疑也。上文弗得弗及。自爲子者言之。此反而息。則自親
言之。變文以見義也。解者昧於經之變文。而於息字亦

以爲子者言之故義不可通江氏慎脩禮記訓義擇言
取吳前一說而棄其後一說疏矣

無苛政 庶民弛政

夫子曰何爲不去也曰無苛政夫子曰小子識之苛政
猛於虎也鄭注不釋政字釋文亦不作音引之謹案政
讀曰征謂賦稅及繇役也誅求無已則曰苛征勸于富
國篇厚刀布之斂以奪之財重田野之稅以奪之食苛
關市之征以難其事楊注曰苛暴也征亦稅也是也古
字政與征通互見下文王制五十不從力政八十者一子不
從政九十者其家不從政廢疾非人不養者一人不從

政。父母之喪三年不從政。齊衰大功之喪三月不從政。將徙於諸侯三月不從政。自諸侯來徙家期不從政。雜記三年之喪祥而從政。期之喪卒哭而從政。九月之喪既葬而從政。小功總之喪既殯而從政。皆偕政爲征也。而新序雜事篇載此事乃云其政平其吏不苛則已誤以爲政事之政矣。鄭注雜記云從政從爲政者教令謂給繇役既訓爲給繇役則是讀政爲征而又云從爲政者教令非也。從爲政者教令六字蓋後人所增。

樂記庶民弛政庶士倍祿。鄭注曰弛政去其紂時苛政也。釋文苛政本又作荷役。史記樂書集解引此注作苛。

役引之謹案作苛役者是也。弛政之政當讀爲征。謂徭役也。地官均人。均人民牛馬車輦之力。政。鄭注曰。政讀爲征。力征人民。則治城郭涂巷溝渠牛馬車輦。則轉委積之屬。大司徒以荒政十有二聚萬民。四曰弛力。鄭司農曰。弛力。息徭役也。小司徒辨其貴賤老幼廢疾。凡征役之施舍。鄭注曰。施當爲弛。謂弛力役之征也。蓋紂時之苛役。武王爲庶民去之。故曰庶民弛征。王肅家語辨樂篇。庶民弛政。注曰。解其力役之事。卽本於鄭注也。賦稅亦謂之征。天官小宰。聽政役以比居。鄭注曰。政謂賦也。凡其字或作喚。或作正。或作征。管子大匡篇。桓公乃

輕稅弛關市之征爲賦祿之制。猶此言庶民弛征庶士
倍祿也。武王之弛征或兼賦稅言之矣。乃釋文不爲政
字作音。正義以政爲紂虐政。皆不知政爲征之借字而
誤以爲政事也。呂氏春秋慎大篇庶士施政去賦施政
與弛征同。謂免其征役去其賦稅。所以優待庶士也。若
漢高帝詔。非七大夫已下。皆復其身及戶勿事矣。見漢書高
帝紀。顏師古曰。復其身及高誘失其讀。乃云施之於政。
一戶之內。皆不徭賦也。事亦非也。

美哉奐焉

鄭注曰。奐言衆多。正義引王肅曰。奐言其文章之貌也。

釋交與本亦作煥引之謹案王說爲長與古煥字廣韻
與文彩明兒玉篇煥明也亦作與大雅卷阿篇伴與爾
游矣毛傳曰伴與廣大有文章也論語泰伯篇煥乎其
有文章何注曰煥明也美哉與焉者室有文彩與然明
也大戴禮四代篇與然而與民壹始卽煥然也漢冀州
刺史王純碑與矣王君卽煥矣也後漢書張與傳與字
然明吳志孫與傳與字季明南史王與傳與字道明皆
用古煥字爲名而字曰明明者煥之正訓也

陽門

陽門之介夫於鄭注曰陽門宋國門名家大人曰昭二

十一年左傳公自揚門見之杜注曰睢陽正東門名揚門卽北陽門也水經睢水注亦作陽門揚陽古字通盛氣頓實揚休鄭注揚讀爲陽小雅正月篇燎之方揚漢書谷永傳揚作陽左氏春秋經昭二十五年次于陽州公羊作揚州又左傳僖十五年晉步揚史記晉世家作步陽宣元年晉解揚漢書古今人表作解陽

并植

行并植於晉國鄭注曰并猶專也謂剛而專已吳澄禮記纂言曰并植國語作廉直疑并蓋廉字缺損植蓋直字增多也家大人曰吳說是矣而未盡也廉與并形聲皆不相近廉字無緣誤爲并蓋廉字古通作兼史記淮南傳厲王母弟趙兼漢紀作趙廉淮南兼并字相近因誤詮言篇故廉而能樂道藏本廉作兼

而爲并齊策管子并三行之過。史記魯仲連傳并作兼。秦始皇解秦法不得兼方。徐廣曰。一云并力。直植亦古字通。注內剛字。正釋直字也。

退然

文子。其中退然如不勝衣。鄭注曰。退柔和貌。退或爲妥。引之謹案。退之言隤也。繫辭傳。夫坤。隤然示人簡矣。馬融韓伯竝曰。隤柔貌。孟喜作退。陸績董遇姚信作安。正與此同。安古綏字。士相見禮鄭注。古文安爲綏。漢書燕刺王旦傳。北州以安。孟康注曰。安古綏字。綏亦柔和之意。爾雅曰。綏柔安也。其義相通也。柔貌之退與退讓之退殊義。正義解爲卑退失之。

管庫

所舉於晉國管庫之士七十有餘家。鄭注曰：管庫之士，府史以下官長所置也。管，鍵也。庫，物所藏引之謹案。管，鍵所以啓閉庫也。然謂之啓庫閉庫，則可謂之管庫。則文不成義。且守庫者職司出納，不獨啓閉已也。今案管者，典也。主也。史記范雎傳：崔杼淖齒管齊。索隱引高誘曰：管，典也。顏師古注漢書食貨志曰：管，主也。管庫之士，謂主此庫者耳。

子臯爲之衰

成人有其兄，外而不爲衰者。聞子臯將爲成宰，遂爲衰。成人曰：贊則續而蟹有匡，范則冠而蟬有綏，兄則外而

子臯爲之褻鄭注曰言其褻之不爲兄外如蟹有匡蟬
有綏不爲蠶之績范之冠也正義曰蠶則須匡以貯繭
而今無匡蟹背有匡匡自箸蟹則非爲蠶設蜂冠無綏
而蟬口有綏綏自箸蟬非爲蜂設亦如成人兄外初不
作褻後畏於子臯方爲制服是子臯爲之是下疑非爲
兄施引之謹案如注意則記當云兄則外而爲子臯褻
不當云子臯爲之褻也今案爲猶使也言蠶則績而蟹
爲之匡以貯繭范則冠而蟬爲之綏以飾冠兄則外而
子臯使之褻以盡禮皆由他物他人助而成之非其所
自爲也并九三爲我心惻魯語其爲後世昭前之令聞

也王弼韋昭竝曰爲猶使也子臯將爲成宰而成人遂
爲義是子臯使之義也

亦弗故生也

王制屏之四方唯其所之不及以政亦弗故生也

監本亦作

示非今依石經

及文提要改

家大人曰故當爲欲謂不欲生之也正

義解經曰亦不欲使生是其證自唐石經欲字始誤作

故而其義遂不可通

呂氏春秋任數篇倉潔欲領文又選陸機君子行注引欲謬作故又

案正義解注曰云亦不授之以田困乏又無賙餼者解

經亦弗欲生也今本欲亦作故此後人據已誤之經改

未誤之疏也正義又曰田里所以安其身賙餼所以養

其命今竝不與是不欲使其生也今本作是不故欲使其生也則文不成義此故字亦後人所加通典刑四引大戴禮曰不及以政不欲生之故也正與王制合家語刑政篇曰不及與政弗欲生之也亦用王制之文

獺祭魚

獺祭魚然後虞人入澤梁豺祭獸然後田獵正義曰案月令正月獺祭魚孝經緯云小雅魚麗正義引作援神契獸蟄伏獺

祭魚則十月中也是獺一歲再祭魚此下文鳩化為鷹草木零落文相連接則獺祭魚然後虞人入澤梁謂十月時案魯語季革云鳥獸孕水蟲成於是乎禁罝罟羅

綱。又云獸長麋。天鳥翼。穀卵。注云謂季春時。然則正月

雖獺祭魚。虞人不得入澤梁。以上正義引之謹案。孝經緯。獺

祭魚。為十月中氣。則小雪也。易通卦驗曰。大雪獺祭魚。

則又以為十一月節氣。然緯書作於西漢之末。皆不足

據案。夏小正曰。正月獺獸祭魚。逸周書時訓篇曰。驚蟄

之日。今本驚蟄作雨水。從盧氏校本改正。獺祭魚。竝與月令同。則漢以前

書無謂獺祭魚在冬月者。魯語。古者大寒降。降猶減也。退也。謂孟

春寒氣退也。土蟄發。水虞於是乎講辰。置取名魚。登川

魚而嘗之。廟行諸國。今本廟上衍發字。國下衍人字。辨見國語。助宣氣也。大

寒降。土蟄發。皆在孟春。正獺祭魚之時也。而云水虞於

是乎講眾蠶取名魚正所謂虞人入澤梁也何以知其

必非正月乎魯語又曰鳥獸成水蟲孕水虞於是乎禁

里麗

宋明道本作置里麗宋庠本作置麗並誤辨見國語

韋注曰謂立夏水蟲懷

孕之時禁魚鼈之網也若孟春水蟲未孕網罟在所不

禁又何爲不得入澤梁乎正義以爲十月者徒以夏小

正十月豺祭獸而獺祭魚與豺祭獸並舉則以爲皆在

十月不知獺祭魚豺祭獸事類相近故連言之非以其

同月也下文昆蟲未蟄不以火田與不麝不卵不殺胎

不妖天不覆巢文相連接而月令蟄蟲墜戶在季秋母

覆巢母殺孩蟲胎天飛鳥毋麝毋卵在孟春豈必同月

者而後連文乎。淮南主術篇獺未祭魚網罟不得入於水。高注曰明堂月令孟春之月獺祭魚未祭不得捕也。漢書食貨志豺獺未祭罟網不布於罌澤。顏注亦引月令孟春之月獺祭魚皆不以爲十月事。然云取魚之法。獻人疏亦沿緯書之誤。以此爲十月事。然云取魚之法。歲有五月。令孟春云獺祭魚。此時得取矣。則猶不廢正月取魚之說。賢於孔氏之專主十月也。

卿大夫元士之適子

王太子。王子。羣后之太子。卿大夫元士之適子。鄭注曰。羣后。公及諸侯正義曰。以經羣后之下。卽云卿大夫士

無諸侯之文故知羣后是三公及諸侯也家大人口羣

后。卽諸侯

堯典曰班瑞于羣后

而三公不與焉卿大夫元士卿上

當有公字考本書之例皆以公侯伯子男爲一類三公九卿大夫元士皆入學其例仍未變也鄭本已脫公字遂以三公與諸侯爲一類卿大夫士別爲一類似於體例未協且三公之子禮未有稱爲大子者則三公不在羣后之中明矣白虎通義辟雍類引王制云羣后之大子公卿大夫元士之適子則班所見本原有公字本疏上文引書大傳亦云公卿大夫元士之適子。

圭璧金璋

有圭璧金璋。不粥於市。正義曰。圭璧金璋。各是一物。卽

考工記金飾璋也。皇氏以爲用金爲印章。

皇本章無玉。故以爲印。

章各本作璋非。

案定本璋字從玉。圭璧之類也。且周時稱印曰

璽。未有稱章。

各本作璋非。

皇氏之義非也。引之謹案。考工記

玉人之事。大璋中璋邊璋。有黃金勺。青金外。朱中而聘

女之大璋。覲聘之瑑璋。起軍旅之牙璋。中璋祀山川之

璋。邸射皆無金飾。若云金飾之璋。不粥於市。豈無金飾

者。遂可粥於市乎。正義之說理不可通。今案金當作宗

宗者。琮之假借字也。琮從宗聲。而借用宗。猶璋從章聲。

而借用章耳篆書隸書宗金二字皆相似

篆書宗作𣎵金作𣎵字相

似隸書宗作宗金作金亦相似

故宗譌為金琮亦圭璧之類也圭璧琮

瑋聘禮所謂四器古人多以四器並言者春官典瑞琬圭瑋璧琮以覲聘駟圭瑋璧琮以斂尸是也家語刑政篇載此文作圭瑋璧琮不弼於市琮本字也宗借字也易林需之井珪璧琮瑋執贄見王其次序正與王制相合。

祭先脾

祭先肺

祭先心

祭先肝

祭先

腎

月令孟春之月其祀戶祭先脾鄭注曰祀之先祭脾者

春爲陽中於藏直脾脾爲尊孟夏之月其祀竈祭先肺
注曰祀之先祭肺者陽位在上肺亦在上肺爲尊也中
央土其祀中霤祭先心注曰祀之先祭心者五藏之次
心次肺至此心爲尊也孟秋之月其祀門祭先肝注曰
祀之先祭肝者秋爲陰中於藏直肝肝爲尊也孟冬之
月其祀行祭先腎注曰祀之先祭腎者陰位在下腎亦
在下腎爲尊也正義曰牲位南首肺最在前而當夏也
腎最在後而當冬也從冬稍前而當春從腎稍前而當
脾故春位主脾從肺稍卻而當心故中央主心從心稍
卻而當肝故秋位主肝引之謹案如鄭說以藏之上下

爲次則肺最在上。心次之。脾又次之。經何以不言春祭
先肺。夏祭先心。中央祭先脾乎。如謂牲位南首。肺最在
前而當夏。腎最在後而當冬。則脾未嘗在左而當春。肝
未嘗在右而當秋。何以春祭先脾而秋祭先肝乎。從腎
稍前而當脾。亦未嘗不當肝。何以春祭不先肝。從心稍
卻而當肝。亦未嘗不當脾。何以秋祭不先脾乎。反復求
之。鄭說始未允。當以許氏五經異義之說爲長。異義曰
今文尚書。歐陽說肝木也。心火也。脾土也。肺金也。腎水
也。古文尚書說脾木也。肺火也。心土也。肝金也。腎水也。
許慎案月令春祭脾。夏祭肺。季夏祭心。秋祭肝。冬祭腎。

與古尚書同

見正義

蓋自古以五行說五藏者惟腎爲水

藏無異詞而脾肺心肝則皆有兩說今古文尚書雖未

知孰是而月令之五藏則非古文尚書之說不足以釋

之脾木藏故春祭先之肺火藏故夏祭先之心土藏故

中央祭先之肝金藏故秋祭先之腎水藏故冬祭先之

也說文腎水藏也肺火藏也脾木藏也肝金藏也蓋依

洪範五行一水二火三木四金之序

今本火作金木作土金作木後人改

之也唐釋元應觀經音義卷四卷二十七引說文肺火藏也是其證

古文尚書之說也又

曰心人心土藏也博士說以爲火藏則古文尚書以心

爲土藏今文尚書博士以爲火藏也高注淮南精神篇

曰肺象朱雀。朱雀火也。火外景。故主目也。肝金也。金內景。故主耳也。鄭注天官疾醫曰。肺氣熱。心氣次之。肝氣涼。脾氣溫。腎氣寒。蓋肺火藏。故氣熱。心土藏。土者火之所生。故氣熱次之。肝金藏。故氣涼。脾木藏。故氣溫。腎水藏。故氣寒也。許高鄭三家之說。皆本於古文尚書。而古文尚書之說。又本於月令也。大元數篇三八爲木。爲春藏。脾。四九爲金。爲秋藏。肝。二七爲火。爲夏藏。肺。一六爲水。爲冬藏。腎。五五爲土。爲中央藏。心。亦本於月令也。然則月令脾肺心肝腎之屬於木火土金水也。明甚。鄭據醫病之法。以肝爲木。心爲火。脾爲土。肺爲金。腎爲水。而

定從今文尚書之說

見正義

於是古尚書說之合於月令

者不用之以釋月令而別以五藏之上下次之失其指矣且醫病之法亦有與古文尚書同者鄭注大司寇以肺石達窮民曰肺石赤石也疏曰陰陽療疾法肺屬南方火火色赤肺亦赤故知名肺石是赤石也則醫病之法亦非一說何必是此而非彼乎

呂氏春秋十二紀文與此同高注祭先脾曰春木勝土先食所勝也一日脾屬木自用其藏也注祭先肺曰肺金也祭祀之肉先進肺用其所勝也一日肺火自用其藏注祭先心曰祭祀之肉先進心心火也用所勝也

勝當

爲生生土者火也

一曰心土自用其藏也注祭先肝曰肝木也祭祀之肉用其所勝故先進肝一曰肝金也自用其藏也注祭先腎曰祭祀之肉先進腎腎屬水自用其藏也案自用其藏之說是也用其所勝之說非也木火土金水既各有所主之藏何反不用其所主而用其所勝乎春夏秋之祭如用所勝之藏則中央之祭當用土所勝之水而先腎冬之祭當用水所勝之火而先心今中央祭先心冬祭先腎則非用其所勝可知由冬祭先腎推之則木火土金皆自用其藏可知故曰自用其藏之說是也用其所勝之說非也自虎通曰春祭所以特先脾

者何。脾者土也。春木王。殷土故以所勝祭之也。冬腎六月心。非所勝也。以祭何以爲土位。在中央至尊。故祭以心。心者藏之尊者。水最卑。不得食其所勝。案此言五藏亦用今文尚書之說。故與月令不合。而曲爲之說如此。土至尊而用藏之尊者。水最卑而不得食其所勝。而春夏秋之祭。則又不論藏之尊卑而食其所勝。何乃相懸一至於此乎。且水最卑。不得食其勝。則土至尊。安能食其所勝矣。何又用非土所勝之心乎。此義之必不可通者也。

駕倉龍鄭注曰馬八尺以上為龍高注呂氏春秋孟春

篇淮南時則篇並同引之謹案下文赤騄黃駟白駵鐵

驪下一字皆馬色名倉龍不應獨異龍當讀為駵說卦

傳震為龍虞翻龍作駵云駵蒼色震東方故為駵思元駵射

龍眉而即潛公舊注史記匈奴傳曰其西方盡白馬東

方盡青駵北方盡烏驪南方盡騂馬藝文類聚獸部上

引此青駵作青龍青龍猶倉龍耳呂氏春秋本味篇馬

之美者青龍之匹青龍即青駵也高注云七尺以上為龍失之易林

觀之漸曰御辟從龍至于牽東龍亦是駵字駵與龍古同聲而通

用周官巾車駵車大人用駵可也故書駵並作龍

還反

還反賞公卿諸侯大夫於朝。禮記古義曰：呂覽反作乃，下同。或云：反當依呂氏作乃。案穆天子傳云：天子還返。還返連文，月令是也。家大人曰：惠說非也。穆天子傳自作還返，月令自作還，乃賞公卿諸侯大夫於朝，不得援彼以例此也。釋文出還乃二字，云音旋，後放此。正義曰：孟夏云還，乃行賞封諸侯；孟秋云還，乃賞軍帥武人於朝；孟冬云還，乃賞外事，即孤寡。據此，則四時皆作還乃明矣。今本孟夏孟秋孟冬皆作還反，與正義所引不合。又孟冬正義云：還反賞外事者，還於郊，反亦反於朝也。亦與孟春正義不合。且還反二字，不釋於孟春而釋於孟冬，於理尤不可通。明是後人據已誤之經

文增改之也。

唐刪定月令亦作還乃。四時皆同。則唐時本無作還

反者淮南時則篇亦作還乃。與呂氏春秋同。後漢書郎

顓傳注引月令迎春於東郊還乃。賞公卿諸侯大夫於

朝光武紀注引迎夏於南郊還乃。封諸侯。太平御覽時

序部五立春下引此亦作還乃。

立夏立冬同。二書所引立秋下未引。

並與釋文正義唐月令同。是其明證矣。自宋撫州本始作還反。而諸本悉仍其誤。

布德和令

命相布德和令。引之謹案。和當讀爲宣。謂布其德教宣其禁令也。大宰職曰。始和布治于邦國都鄙。和亦讀爲

宣謂宣布其治于邦國都鄙也

詳見大宰職下

古聲宣與和相

近故宣字通作和

亦見大宰職下

高誘注呂氏春秋孟春紀謂

布陽德和柔之令失之

宿離不貸

無或𡇗貸

其爲物不貳

衣服

不貳

其儀不貳

宿離不貸鄭注曰不得過𡇗也釋文不貸吐得反徐音

二季夏之月無或𡇗貸釋文𡇗貸音二又他得反引之

謹案呂氏春秋孟春紀季夏紀貸竝作貳高誘注曰貳

𡇗也正當音吐得反而徐又音二者貳字通作貸

傳四

時不貳釋文貳京作貸

又通作貳

司官爲相氏注引月令作宿離不貳洪範衍貳史記宋微子世

家作貳與貳字形相似故貳字多有譌作貳者見詩其儀不貳

周語成事徐音一則所見本作貳貳者貳之譌也若諸

本皆作貸字不得有二音矣故音之誤者亦可以攷見古本云

中庸其爲物不貳則其生物不測鄭注曰言至誠無貳

正義曰不有差貳釋文不貳本亦作儼音二引之謹案

貳當爲貳之譌貳音他得切卽貳之假借字貳與測爲

韻若作貳則失其韻矣貳測古音在之部貳字古音在脂部脂之二部古不相通注

內無貳當作無貳正義差貳當作差貳貳亦差也說文

玉篇屬韻俱無儼字其本亦作儼蓋貸字之譌貸亦音

他得反見上與忒同音故忒字或作貨陸氏不能釐正而

音二失之矣其爲物不貳者言天地之道無有𡙇忒豫

彖傳曰天地以順動故日月不過而四時不忒是也又

緇衣衣服不貳從容有常鄭注曰貳不壹也釋文不貳

本或作貳案貳亦貳字之譌貳亦貳字之譌當音忒不

當音二也爾雅奕忒也孫炎注曰忒變雜不一

見大雅
瞻印正

義忒與貳同故鄭曰貳不壹也詩序都人士周人刺衣

服無常也古者長民衣服不貳從容有常鄭箋曰變易

無常謂之貳據箋所解則貳亦當作貳而讀爲忒大雅

瞻印篇鞠人忒忒毛傳曰忒變也洪範衍忒鄭注曰卦

象多變故言行貳

見史記宋微子世家集解

說文貳更也謂更改變

易也又作愆失常也老子曰常德不貳貳與常正相反是變易無常正貳字之訓故箋曰變易無常謂之貳無常謂之貳有常則不貳矣故曰衣服不貳從容有常也詩釋文貳音二亦失之又案緇衣引詩其儀不貳釋文貳他得反本或作貳音二貳亦貳之譌當曰貳本或作貳同音他得反

指之于參保介之御閒

天子親載耒耜指之于參保介之御閒段氏校本據正義改之御爲御之

見校勘記

引之謹案正義舉經文云指之

于參保介御之閒此寫者誤倒也仍當作保介之御閒
周頌臣工箋日月令孟春天子親載耒耜措之于參保
介之御閒彼正義曰盡保介之御閒皆月令文彼說天
子耕藉田之禮天子親載耒耜措置之於參乘之人保
介之與御者二人閒則鄭氏孔氏所見月令本作保介
之御閒明甚不應月令正義又倒其文爲御之也晉書
禮志隋書禮儀志鄭風清人正義桓十四年穀梁傳疏
李善東京賦注續漢書禮儀志注鈔本此堂書鈔禮儀
部十二太平御覽禮儀部十六引此竝作保介之御閒
東京賦乘鑾輅而駕蒼龍介馭閒以刻耜馭與御同馭

閒二字卽取月令之文。呂氏春秋孟春紀亦作保介之御閒不得改爲保介御之閒也。馬氏元伯曰。保介之御閒之猶與也。鄭注曰。置耒於車右與御者之閒。與字正釋之字。案馬說是也。立政曰。文王罔攸兼于庶獄。庶獄庶慎。惟有司之牧夫。又曰。其勿誤于庶獄。惟有司之牧夫。皆謂有司與牧夫也。攷工記梓人爲筓虞。凡攬綱援簋之類。必淡其爪。出其目。作其鱗之而。謂作其鱗與而也。說見攷工記文十一年左傳。皇父之二子外焉。二子者。公子穀甥。司寇牛父也。言皇父與二子皆外也。成十六年傳。潘尫之黨。襄二十三年傳。申鮮虞之傳。繫謂潘尫與

黨申鮮虞與傅摯也

說見釋詞

又案于參呂氏春秋作參于

參于保介與御閒文義甚順鄭注以爲勇士參乘非也
書傳凡言參乘無但曰參者

三公五推

天子三推三公五推卿諸侯九推家大人曰三公五推
本作公五推凡月令言三公者皆與九卿對文上文天
子親帥三公九卿諸侯大夫是也其言公者則與卿對
文上文賞公卿諸侯大夫於朝是也賞公卿諸侯大夫
不言三公九卿者蒙上而省也此文公五推卿諸侯九
推不言三公九卿亦是蒙上而省今作三公五推即涉

上文而誤也。

陳祥道禮書引作三公五推則所見本已誤。

正義內兩舉經文

皆無三字。唐月令亦無。又周頌載芟正義穀梁傳桓十

四年疏。北堂書鈔設官部二。禮儀部十二。

鈔本北堂書鈔設官禮儀

二部引月令皆無三字。陳西謨本設官部亦無三字。禮儀部則據誤本月令加入矣。

初學記禮部

下。白帖藉田類。太平御覽禮儀部十六。資產部二。引此

皆無三字。惟藝文類聚禮部中。文選藉田賦注。引此有

三字。又呂氏春秋孟春篇周官甸師注。亦有三字。皆後

人據誤本月令加之也。

續漢書禮儀志注引甸師注無三字。

雨水不時

孟春行夏令則雨水不時。豢大人曰。雨水。本作風雨。案

正義云風雨不時者謂風雨少不得應時所以風雨不
應時者以孟春建寅其宿直箕星箕星好風孟春行夏
令寅氣不足故風少已來乘之四月純陽用事純陽來
乘故雨少據此則正文本作風雨不時明矣而正義前
述正文乃作雨水不時則後人以已誤之正文改之也
至此段有箕星好風之語則後人不能改矣自唐月令
改風雨爲雨水而各本皆從之自帖八十二引作雨水不時亦從唐月令後
漢書張敞傳注開元占經七十二候占引此竝作風雨
不時呂氏春秋淮南同。

高禱

仲春之月以大牢祠于高禘。鄭注說高禘云高辛氏之世元鳥遺卵。娥簡狄吞之而生契。後王以爲媒官嘉祥而立其祠焉。變媒言禘神之也。蔡邕以爲禘神高辛已前舊有高者尊也。謂尊高之禘。不由高辛氏而始有高禘。盧植以爲居明顯之處。故謂之高。見續漢書禮儀志注引之謹

案鄭蔡盧三家之說皆非也。高者郊之偕字。古聲高與郊同。故偕高爲郊。周官載師近郊之地遠郊之地。故書郊或爲高。杜子春云高讀爲郊。文三年左傳取王官及郊。史記秦本紀郊作鄩。高鄩竝從高聲。高之爲郊猶高與鄩之爲郊也。高誘注呂氏春秋仲春紀曰周禮媒氏

以仲春之月合男女。因祭其神於郊。謂之郊禘。郊音與高相近。故或言高禘。此說是也。大雅生民傳曰。古者必立郊禘。湯元鳥至之日。以大牢祠于郊禘。天子親往。后妃率九嬪御。乃禮天子所御。帶以弓韣。授以弓矢。於郊禘之前。其文全出此篇。而字正作郊。商頌元鳥傳亦曰。春分元鳥降。湯之先祖有娥氏女簡狄。配高辛氏帝。帝率與之祈于郊禘而生契。蓋古本月令本作郊禘也。說經者當讀高爲郊。乃得本訓。而鄭志焦喬荅問。乃強分郊禘高禘爲二。以爲先契之時。有禘氏祓除之祀。位在於南郊。以元鳥至之日。祀上帝。娥簡狄吞臑子之後。後

王以爲祿官嘉祥。祀之以配帝。謂之高祿。豈核實之論哉。

奮木鐸

先雷三日。奮木鐸以令兆民。引之謹案。地官鄉師賈疏。論語里仁篇皇疏。舊本北堂書鈔樂部四。引此有木字。與今本同。而釋文出奮鐸二字。云。方問反。下大各反。則無木字。案舊本北堂書鈔政術部六。奮鐸以令。注引月令奮鐸以令兆民。陳禹謨從俗本加木字。太平御覽天部十三亦引作奮鐸。呂氏春秋仲春紀作奮鐸以令于兆民。淮南時則篇作振鐸以令於兆民。鐸上皆無木字。蓋木鐸亦

可單稱鐸。不煩加木字也。釋文但爲奮鐸二字作音而
不云本或作奮木鐸則舊本無作奮木鐸者矣。周官論
語疏引作奮木鐸者蓋彼正文言木鐸後人遂於疏內
加木字非其原本也。鄉師凡四時之徵令有常者以木
月命脩封疆二月命雷且發聲正謂月令仲春之奮鐸
與周官四時徵令之以木鐸文有詳略而義則相同非
以其有木字而引之也賈疏之引奮鐸亦然又案周官
小宰甸以木鐸賈疏引檀弓明堂位之木鐸爲證而不
引月令以月令原無木字故也至北堂書鈔政術部已
故知鄉師疏木字爲後人所加。樂部木鐸令民當
引作奮鐸不應樂部又引作奮木鐸。樂部木鐸令民當
所引奮木鐸以令兆民其爲後人所改無疑蓋校書者
當作奮鐸以令兆民習見俗本之爲奮木鐸而不知古本之爲奮鐸則誤謂

脫木字而增之矣。

妨農之事

母作大事以妨農之事。家大人曰。下句本作以妨農事。農下衍一之字。則累於詞矣。唐月令及禮記考文所引古本足利本皆無之字。上文正義自耕者少。舍至以妨農事云云。亦無之字。齊民要術。小雅大田正義。後漢書明帝紀。光武十王傳注。白帖三。太平御覽。資產部二。引此亦皆無之字。呂氏春秋同。淮南作以妨農功。亦無之字。

母出九門

季春之月。田獵置罟羅網畢。罟餒獸之藥。毋出九門。鄭

注曰。天子九門者。路門也。應門也。雉門也。庫門也。皋門

也。城門也。近郊門也。遠郊門也。闕門也。呂氏春秋季春

紀高注曰。天子城門十二。東方三門。生氣所在處。尚生

育明餒獸之藥。所不得出也。嫌餘三方九門得出。故特

戒之。如言無也。

如與而同
無與母同

引之謹案。路門以外。皋門以

內。非野獸所游之處。

正義曰。自皋門以內。雖是宮室所
在。亦有林苑及空閒之處。得有羅

網及毒藥所施。案皋門以
內。不得有林苑。正義非也。

本無所用其羅網毒藥。亦何

待戒之。以毋出乎。且天子三朝三門。與諸侯同。天子路

門。應門。皋門。諸侯路門。雉門。庫門。

說見戴氏
考工記圖

今言天子

之門而及雉門庫門非也。況近郊遠郊亦不間有門。鄒說殊未確。高以爲城門近之矣。而泥於攷工記匠人之有三門。乃於十二門中除東方三門數之而爲九。且爲之說曰。東方三門尚生育餽獸之藥。所不得出。燹餘三方九門得出。故特戒之而言無。如高說。則東方三門尤爲羅網毒藥。所不容出。月令及季春紀當并數之而言。毋出十二門。文義方明。何得但言毋出九門。使人致疑於東方三門之尚可出乎。下文命國難九門廩攘以畢春氣。以方位言之。東方者春春氣所在。無如東方三門何以欲畢春氣而反舍東方三門而不廩攘乎。高注季春紀仍

以生氣所枉解之義不可通。風俗通義祀典篇月令九門辟攘以畢春氣。蓋天子之城十有二門。東方三門。生氣之門也。不欲使外物見於生門。誤與高注同。仲秋天子乃難以達秋氣。注引

王居明堂禮曰。仲秋九門辟攘以發陳氣。仲秋之辟攘

亦曰九門。又將舍何方之三門而不數乎。則高說亦不

可通。

吳澄禮記纂言曰。南三門。王之正門。平日此等之

則得出。但此月則禁耳。案是月命國難。九門辟攘。斷無舍南方三門而不辟攘之理。何以但曰九門也。吳說殊謬。至陸佃謂王城面各三門。南北九經。東西九緯。母出九門。謂母出此門。則是以匠人經涂之數為城門之數。

誤莫甚於此矣。

今案月令季春命國難。九門辟攘。季冬命有司

大難。旁牒。鄭注曰。旁牒於四方之門。四方之門。即九門

也。季春言九門。則其為旁可知。季冬言旁。則其為九門

可知凡言旁者皆徧四方之謂

春官男巫。旁招以茅。杜不春注曰。招四方之所

豎祭者聘義孚尹旁達正義曰旁者四面之謂

若缺一方則不可謂之旁以是

言之九門殲攘謂之旁殲已周城之四方非獨三方而已也則毋出九門亦謂四方之門矣四方而曰九門者蓋南方三門東西北各二匠人夏后氏世室五室九階鄭注曰南面三三面各二是其例也閔二年公羊傳高子將南陽之甲立僖公而城魯或曰自鹿門至于爭門者是也何注曰鹿門魯南城東門也僖二十五年左傳正義魯城南面三門隱公元年開一門故今南有四門定八年左傳公敘處父帥成人自上東門入杜注曰魯東

城之北門是城門固有南面三三面各二者也此與攷
工記之旁三門絕不相同攷工記自爲十二門月令自
爲九門不必強此以就彼也古人言城門者多寡或異
攷工記則十二門月令則九門齊策言衛之城門則十
門齊策曰晉者趙氏襲衛衛八門士而二門墮矣是十門也參差不一此必不能合
者也學者知月令之九門異於攷工記之門數則無所
用其遷就矣

乃合累牛騰馬遊牝于牧

乃合累牛騰馬遊牝于牧鄭注曰累騰皆乘匹之名是
月所合牛馬謂繫在廐者其牝欲遊則就牧之牝而合

之引之謹案周官牧師掌牧地孟春焚牧中春通淫是
馬通淫皆在牧不在廐也又圉師春除蓐覺廐始牧鄭
注曰蓐馬茲也馬既出而除之新覺馬神之也引莊公
二十九年左傳曰凡馬日中而出日中而入杜注日日
中春秋分也是馬自仲春已出廐而通淫於牧季春之
月安得尚有在廐者方其通淫則蹄齧奔躍在廐必多
毀壞亦非所宜且仲夏之月遊牝引羣若尚有不遊之
牝合於廐則仲夏別羣不惟遊牝何以但言遊牝別羣
也鄭言累牛騰馬在廐者以既解累騰爲乘匹則是兼
言牝牡若在牧則不須更云遊牝于牧故不得不以在

廢別之其實累牛騰馬。但言牝不兼牝也。高誘注呂氏
春秋季春篇曰。累牛父牛也。騰馬父馬也。又注淮南時
則篇曰。牝牛特牛也。騰馬騰駒。趾蹠善將羣者也。然則
累牛騰馬皆牝也。與遊牝正相對。乃合累牛騰馬遊牝
于牧十字當作一句讀。謂合牛馬之牝者。牝者於牧耳。
皆在牧不在廢也。騰馬卽騰駒。仲夏言遊牝別羣則執
騰駒尤見騰馬與累牛皆指牝言之。非謂乘匹也。謂之
遊牝者。以時方通淫。聽其遊行。因以名焉。而高誘曰。游
從牝於所牧之地。風合之。則與遊牝別羣之文不合。疏
矣。

蠶事畢

孟夏之月蠶事畢。家大人曰：此本作蠶事既畢。與季春

之蠶事既登。文同一例。各本皆脫既字。而正義述經文

亦無既字。則後人依已脫之經文刪之也。

初學記禮部下引此無既

字亦後人所刪

案上文正義曰：蠶事既畢。不言是月者云云。則

此文之有既字甚明。衛風氓正義鈔本北堂書鈔政術

部五。

陳禹謨本刪既字

藝文類聚禮部中。初學記中宮部引此

皆作蠶事既畢。太平御覽皇親部十一。引月令章句亦

作蠶事既畢。呂氏春秋孟夏篇同。唐月令改爲蠶事既

登。亦有既字。

今石本登上缺三字。正是蠶事既三字。自帖入十二。太平御覽時序部六。引此並作

蠶事既登從
唐月令也則月令之有既字又甚明不得以此字可有可無遂棄古本而從俗本也

蝗蟲

孟夏行春令則蝗蟲爲災仲冬行春令則蝗蟲爲敗引之謹案蝗蟲皆當爲蟲蝗此言蟲蝗猶上言蟲螟亦猶禮言草茅傳言鳥鳥荀子言禽犢今人言蟲蟻耳漢書五行志引京房易傳曰厥風微而溫生蟲蝗害五穀說文曰禽獸蟲蝗之怪謂之蠭是也後人不知而改爲蝗蟲謬矣注及正義作蝗蟲釋文出則蝗二字而無蟲字皆是後人所改自宋撫州本已然而各本皆沿其誤仲

冬正義曰。蟲蝗爲敗地災也。唯此一處未改。尚可致正。
經文。後漢書和帝紀注引月令。蝗蟲爲災。亦後人依俗。
本月令改之。案唐月令石本。孟夏仲冬兩處皆作蟲蝗。
又桓五年穀梁傳注引月令曰。仲冬行春令則蟲蝗爲
敗。又玉篇蝗字注引月令。蟲蝗爲災。廣韻蝗字注亦曰。
蟲蝗爲災。白帖八十一蟲蝗類出。蟲蝗爲害。蟲蝗爲災。
八字。又太平御覽天部九咎徵部一。並引月令曰。孟夏
行春令則蟲蝗爲災。仲冬行春令則蟲蝗爲敗。蟲豸部
七引月令曰。仲冬行春令則蟲蝗爲敗。又時序部十二
引乙巳占曰。冬時行春令則蟲蝗爲災。卽本月令之文。

又呂氏春秋孟夏篇作蟲蝗

淮南時則篇作螽蟴後人所改也說文螽螽也螽蟴

也是蝗一名螽不得並稱螽蟴彼注行春時啟蟄之令故致螽蟴之敗螽字亦後人所改孟夏篇注行春啟蟄之令故有螽蟴之敗正與此同足證淮南之正文及注亦作螽蟴也東山經見則螽蟴為敗螽字亦後人所改彼注螽蟴類也言傷敗田苗音終十一字皆後人所加太平御覽獸部二十五引東山經正作螽蟴而無注蓋後人罕見螽蟴之文而仲冬篇作螽蟴淮南時則篇同此皆月改之又妄加注文耳

令作蟲蝗之證

蒼壯佼

仲夏之月蒼壯佼正義曰佼謂形容佼姪家大人曰孔說非也呂氏春秋仲夏紀佼作狡高誘注曰壯狡多力之士犬戴禮干乘篇曰老疾用財壯狡用力廣雅曰狡

健也壯狡猶言壯健作佼者假借字耳呂氏春秋禁暴篇曰老幼壯佼是也

百官靜事毋刑以定晏陰之所成

百官靜事毋刑以定晏陰之所成鄭解事毋刑曰罪罰之事不可以間今月令刑爲徑解晏陰曰晏安也陰稱安家大人曰鄭意以百官爲百僚故謂刑爲刑罰不知經文自君子齊戒至以定晏陰之所成皆養身之事非指朝政也百官猶百體也樂記曰耳目鼻口心知百體孟子告子篇以耳目之官爲小體心之官爲大體呂氏春秋貴生篇以耳目鼻口爲四官荀子天論篇以耳目鼻口形爲五官刑當從今月令讀爲徑徑疾也速也祭義道而不徑鄭注曰徑步邪趨疾也荀子脩

身篇凡治氣養心之術莫經由禮楊倞注曰經疑速也史記大宛傳從蜀空徑集解引如淳曰經疾也呂

氏春秋仲夏篇淮南子時則篇竝作徑今本呂氏春秋作刑後人以月

令改之也與高注曰事無徑當精詳而後行也此承上

節者欲定心氣為義言非特節其耆欲定其心氣也推

而至於百體莫不安靜又推而至於作事審慎精詳毋

或徑疾以陰陽方爭不安妄動也晏者陽也晏陰猶陰

陽也小爾雅曰晏陽也呂氏春秋誣徒篇曰心若晏陰

喜怒無處韓子外儲說曰雨霽日出視之晏陰之間大

元畸贊曰凍登赤天晏人黃泉范望注凍至寒也晏至

熱也是晏與陰相對為文此承上陰陽爭為義言陰陽

方爭未知所定故君子安靜無爲以定陽與陰之所成也下文仲冬之月自君子齊戒以下文與此略同未云安形性事欲靜以待陰陽之所定安形性卽此所云百官靜也事欲靜卽此所云事毋徑也仲冬又曰身欲靜言身毋躁猶彼言事欲靜而此言事毋徑也徑刑古聲相近故俗刑爲徑非謂刑罰也若謂刑罰之事不可以聞則經當言毋用刑矣但言事毋刑則文不成義又徑與靜成爲韻陳澧讀百官靜事毋刑六字爲句則失其韻矣以待陰陽之所定卽此所云以定晏陰之所成也知陰非謂安陰者仲夏仲冬並言陰陽爭仲冬待陰陽之所定仲夏不得舍陽而獨言陰也呂氏春秋淮南子注並曰晏陰微陰也望文生義其說亦非

穀實鮮落

季夏行春令。則穀實鮮落。釋文鮮音仙。又仙典反。正義曰。穀實鮮落。謂鮮少墮落也。或云以夏召春氣。初鮮絜而逢秋氣肅殺。故穀鮮絜而墮落也。家大人曰。鮮字。孔氏前讀上聲而訓為鮮少。後讀平聲而訓為鮮絜。皆與落字義不相屬。失之矣。今案鮮之言散也。謂穀實散落也。周語。地無散陽。漢白石神君碑。作地無羸陽。羸與鮮同。是鮮落卽散落也。鮮與斯古亦同聲。小雅瓠葉箋。今俗語斯白之字。作鮮。齊魯之間聲近斯。爾雅釋詁。兩雅釋言曰。斯離也。釋文。鮮。木或作誓。沈云。古斯字。呂氏春秋大樂篇注。離散也。離與散同義。釋山曰。小山別大山。鮮亦取相離之義也。呂氏春秋季夏篇淮南時則篇。竝作穀。

實解落高注訓爲散落。義亦與鮮落同。或據呂覽淮南而改鮮爲解。蓋未達古訓也。逸周書時訓篇亦云腐草不化爲螢。穀實鮮落。

長短

制有大小。度有長短。家大人曰。長短本作短長。與度量常爲韻。今作長短。則失其韻矣。此蓋涉下文視長短而誤。正義作長短。亦後人依已誤之經文改之。唐月令已刪此二句。無從考正。唯宋撫州本及岳本皆作短長。呂氏春秋仲秋篇同。足正今本之失。

雷始收聲

仲秋之月。雷始收聲。引之謹案。雷始收聲。本作雷乃始

收。古人多以乃始二字連文。

管子版法篇曰。外之有仇。禍乃始牙。莊子馬蹄篇曰。

民乃始踉蹌好知。爭歸於利。在宥篇曰。之入者。乃始嚮卷。倉囊而亂天下也。而天下乃始尊之。荀子儒效篇曰。狂惑慙陋之人。乃始率其羣徒。辯其談說。明其辟稱。呂氏春秋禁塞篇曰。雖欲幸而曉禍。乃始長。韓子外儲說右篇曰。王自聽之。亂乃始生。韓策曰。韓亡。美人與金。其疏秦乃始蓋明。淮南俶真篇曰。乃始昧昧昧昧。皆欲離其童蒙之心。而覺視於天地之間。初學記歲時部。及周官韞人疏引。

月令皆作雷乃始收。淮南時則篇同。是經文始上有乃字。而收下無聲字。後人以仲春雷乃發聲。又以注云。雷始收聲。在地中。遂於正文內加入聲字。若山井鼎考文所引古本足利本。及呂氏春秋。並作雷乃始收聲是也。

案高誘注曰雷乃始收藏其聲又或嫌其句法之累則

刪始字而存乃字唐月令作雷乃收聲是也鈔本北堂書鈔歲時

初三雷始收注引禮記云雷乃收聲案正文曰雷始收則注內引禮記亦當作雷乃始收今作雷乃收聲後人

據俗本月或刪乃字而存始字宋撫州本以下諸本禮

記及今本通周書並作雷始收聲是也鈔本北堂書鈔

發聲秋分乃收注引周書曰秋分雷乃收聲又歲時部

二曰雷始收注引周書曰秋分之日雷乃收聲案正文

曰秋分乃收又曰雷始收皆本周書則注內引周書亦

當作雷乃始收今作雷乃收聲皆後人據俗本月令改

之也藝文類聚歲時部上引周書曰秋分之日雷乃始

收雷不收諸侯注法是其明證矣易通卦驗秋分雷始

收亦無聲字他書引月令或無者加之有者減之而原

有聲字者皆是後人所改

本幾不可見幸賴引者參差不齊改之未盡得以求其

蹤跡耳

母逆大數

凡舉大事母逆大數引之謹案大數當從呂氏春秋作
天數高注曰天數天道也今作大者涉上句大事而誤
季夏之月舉大事則有天殃至秋則可以舉大事矣而
亦必順乎天道卽前所云母變天之道也下文必順其
時慎因其類兩其字皆指天而言若作大數則意義不
明正義亦作無逆天數今本天下有之大二字乃後人
以已誤之正文改不誤之疏文也據上文疏云無逆於
天有順於時在反受其殃下則此疏本作無逆天數明矣自凡

舉大事以下四句。曆月令已刪去。無從考正。自宋撫州
本天字始誤作大。而各本皆從之。今據上文疏及呂氏
春秋訂正。

爲來歲受朔日

鄭注曰。秦以建亥之月爲歲首。於是歲終使諸侯及卿
遂之官受此法焉。呂氏春秋季秋紀高誘注曰。來歲明
年也。秦以十月爲正。故於是月受明年曆日也。由此言
之。月令爲秦制也。案史記秦紀昭襄王四十八年十月。
韓獻垣離秦軍分爲三軍。武安君歸
王。崑將伐趙。武安皮牢拔之。司馬梗北定大原。盡有韓
上黨。正月。兵罷復守上黨。先言十月後言正月。則當時
已用十月爲歲首。不始
於始皇二十六年矣。引之謹案。秦以十月爲歲首。則

當以孟冬之月為始。今月令始於孟春者，蓋孟冬為當

時歲首所在，而孟春則麻元所起。麻家最重建元，故託

始於孟春之月。此用顓頊麻也。大衍麻議引洪範傳曰：

麻記始於顓頊上元大始闕蒙

即闕逢

攝提格之歲

大歲在甲寅

畢陬之月

甲寅月

朔旦巳巳立春，七曜俱在營室五度

見唐書麻志：晉書律麻志引董巴議亦曰：顓頊以今之孟春正月為元，其時正月朔旦立春，五星會于天歷營

室也。正月為陬，而在立春之月，則以孟春為正月也。顓頊

麻元始於立春，而謂其月為正月，故為十二月之首也。

而歲首則在十月。史記孝文紀：北平侯張敖為丞相，方

明律麻，魯人公孫臣上書言：「方今土德應黃龍見，當改

正朔服色制度。丞相推以爲今。水德始明。正十月尚黑。以爲其言非是。請罷之。張蒼傳。張蒼緒正律曆以高祖十月始至霸上。因故秦時本以十月爲歲首。弗革。大史公曰。張蒼文學律曆爲漢名相。而絀賈生公孫臣等言正朔服色事而不遵明用秦之顓頊曆何哉。是顓頊曆正朔在十月也。然則月令以孟冬爲歲首。以孟春爲月首。其用顓頊曆明甚。更以淮南子證之。淮南王安封於文帝十六年。誅於武帝元狩元年。其時大初曆未出。猶用顓頊曆。故其書時則篇亦以孟春爲始。而於季秋云。爲來歲受朔日。以著歲首之在孟冬。其天文篇曰。淮南

元年冬。天一在丙子。

天。今本誤作大。說見大歲考。

冬至甲午。立春丙

子。先冬後春。則十月爲歲首也。又曰。天一元始。正月建寅。日月俱入營室五度。天一以始建。則麻元在正月也。此足與月令相發明矣。余恐學者不知其原。而疑於一歲有二首。故具論之。

北面誓之

司徒摺扑北面誓之。家大人曰。唐月令及考文引古本足利本。誓上皆有以字。今本無以字者。後人以正義云。摺扑北面誓之。無以字。故刪之也。不知正義無以字者。省文耳。下文引熊氏云。大司馬注引此司徒北面以誓。

則仍有以字也。陳氏禮書引此無以字。則所見本已誤。周官大司馬注。司服疏。條狼氏疏。白帖五十二。太平御覽車部一。引此皆作北面以誓之。正與唐石經同。小司徒疏亦云。司徒北面以誓之。呂氏春秋作北嚮以誓之。淮南作北嚮以贊之。則月令之有以字甚明。不得以此字可有可無。遂棄古本而從俗本也。

蟄蟲咸俯在內

季秋之月。蟄蟲咸俯在內。皆瑾其戶。家大人曰。內字文義不明。內當爲穴。下言皆瑾其戶。戶卽穴之戶也。正義其戶曰塗塞其戶穴。大謬。穴者蟲所居。經言瑾其戶。不言瑾其穴也。又案正義於在穴之下不言穴。至皆瑾其

戶之下。始言塗塞其戶穴。則所見本。在穴之穴。已謂爲內明矣。穴內二字。篆隸皆相似。故穴譌作內。大戴禮帝繫篇。付祖氏產穴熊。墨子備城門篇。鑿穴迎之。易乾鑿度。通情無門。藏神無穴。今本穴字並譌作內。考呂氏春秋季秋篇正作在穴。

固封疆

孟冬之月。固封疆。備邊竟。鄭注曰。今月令疆或爲璽。家大人曰。蔡邕獨斷引月令曰。固封璽。卽鄭所謂今月令也。呂氏春秋孟冬篇。淮南時則篇。亦作固封璽。案爾雅曰。疆。邊。至也。昭元年穀梁傳曰。疆之爲言猶竟也。成二年左傳注曰。封竟也。是封疆卽邊竟。旣言固封疆。又言備邊竟。則複矣。當從今月令呂覽淮南作固封璽。爲是。

高注曰。封璽。印封也。周官司市。凡通貨賄。以璽節出入之。鄭彼注曰。璽節。印章。如今斗檢封矣。鍵閉管籥。封璽事。皆關乎啟閉。故連類而及之。固封璽以上五句。皆邑中之事。備邊竟以下四句。皆野外之事。

塋邱壟之大小高卑厚薄之度

審棺槨之薄厚。塋邱壟之大小高卑厚薄之度。貴賤之等級。引之謹案。塋當從呂氏春秋孟冬篇淮南時則篇作營。高注曰。營。度也。士喪禮曰。筓宅。家人營之。是也。因下邱壟字而誤爲塋。自釋文已然矣。大小正義。唐月令七經孟子攷文引古本。及白帖六十六。呂氏春秋淮南。

竝作小大。厚薄。唐月令呂氏春秋白帖。及惠校宋本。竝作薄厚。今作大小。厚薄者。俗儒多聞厚薄。少聞薄厚。故改薄厚爲厚薄。因竝改小大爲大小。上文量小大。視長短。監本亦改小大爲大。以與高卑厚薄文同一例耳。不知古人之文。不必上下畫一。禮器曰。禮之薄厚。與年之上下。攷工記。鳧氏曰。薄厚之所震動。墨子備高臨篇曰。長稱城之薄厚。韓子五蠹篇曰。議多少。論薄厚。是薄厚爲古之常語。且上句已曰。審棺槨之薄厚矣。何不察之甚也。陳澧集說。則又改上句之薄厚爲厚薄。各本皆作薄厚。以其所知。改其所不知。俗儒之見。大抵皆同矣。

荔挺出

仲冬之月。荔挺出。鄭注曰。荔挺。馬薺也。顏氏家訓曰。說文云。荔似蒲而小。根可爲刷。廣雅云。馬薺。荔也。易統通卦驗元圖云。荔挺不出。則國多火災。蔡邕月令章句云。荔似挺。高誘注。呂氏春秋云。荔草挺出也。然則月令注荔挺爲草名誤矣。引之謹案。如高氏所說。則是荔草挺然而出也。檢月令篇中。凡言萍始生。王瓜生。半夏生。芸始生。草名二字者。則但言生。一字者。則言始生。以足其文。未有狀其生之貌者。倘經意專以荔之一字爲草名。則但言荔始出可矣。何煩又言挺也。且據顏氏引易通

卦驗。荔挺不出。則以荔挺爲草名者。自西漢時已然。逸周書時訓篇亦曰。荔挺不生。卿士專權。鄭氏注。始相承舊說。非臆斷也。挺之言莖也。說文曰。莖。華也。荔草抽莖作華。因謂之荔挺矣。神農本草謂之蠡實。名醫別錄謂之荔實。太平御覽引吳普本草。謂之劇荔華。而月令則謂之荔挺。或以實名。或以華名。或以莖名。義有專屬而名則通荔也。故荔挺始出。猶未有挺也。而名爲荔挺。則曰荔挺出。猶王瓜始生。猶未有瓜也。而名爲王瓜。則曰王瓜生耳。月令自言荔挺。他書自言荔。兩不相妨也。

經義述聞第十四終